

**ODLUKU****O ODOBRAVANJU IZDVAJANJA SREDSTAVA  
TEKUĆE REZERVE BUDŽETA OPĆINE ILIJAŠ ZA  
2014. GODINU****Član 1**

Odobravaju se sredstva iz tekuće rezerve, u iznosu od 3.000,00 KM, radi nabavke kontejnera za stanovanje romske porodice.

**Član 2**

Sredstva iz člana 1 ove Odluke knjižiti na teret pozicije:

- K. T. pojedincima/sanacija i obnova kuća, zgrada i fasada

**Član 3**

Za realizaciju ove Odluke zadužuje se Služba za privredu, finansije i investicije Općine Ilijaš.

**Član 4**

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01/2-04/2-07/14  
17. februara 2014. godine  
Ilijaš

Općinski načelnik  
**Akif Fazlić, s. r.**

**OPĆINA TRNOVO****Općinski načelnik**

Na osnovu člana 46. Zakona o prostornom uređenju ("Službene novine Kantona Sarajevo", broj 7/05) i člana 38. i 118. Statuta Općine Trnovo ("Službene novine Kantona Sarajevo", broj 12/08), načelnik Općine Trnovo, dana 26.02.2014. godine, verificovao je i donio

**ODLUKU****O KOREKCIJI URBANISTIČKOG PROJEKTA  
"BJELAŠNICA - I FAZA" PODZEMNA GARAŽA****Član 1.**

Utvrđuje se Korekcija Urbanističkog projekta "Bjelašnica - I faza" ("Službene novine Kantona Sarajevo", broj 02/01), u daljem tekstu: Korekcija Projekta.

**Član 2.**

Korekcijom Projekta utvrđeni su planski preduvjeti za planiranje podzemne parking garaže, na parceli označenoj kao k.č. br. 3008/3 K.o. Presjenica, općina Trnovo, prema sljedećim urbanističko-tehničkim uslovima, odnosno na način:

- Namjena planiranog objekta je podzemna garaža, za vlasnike i korisnike objekta Bajsik, koji se nalazi zapadno od planirane garaže. Spratnost objekta je suteran (S). Regulaciona linija kompleksa obuhvata dio parcele k.č. br. 3008/3 K.o. Presjenica, općina Trnovo, a sve na način kako je prikazano u grafičkom prilogu br. 2.
- Maksimalna BGP ovog objekta iznosi 282 m<sup>2</sup>.
- Svi ostali urbanističko-tehnički uslovi moraju biti u skladu sa Idejnim rješenjem izrađenim od strane "M-Design" d.o.o. Sarajevo, čiji grafički prilozi čine sastavni dio ove Korekcije.

**Član 3.**

Korekcija Plana sastoji se iz tekstualnog dijela i grafičkog priloga sa prikazanom regulacijom linijom parcele i gradevinskom linijom planiranog objekta: graf. Prilog br. 1.-Predmet korekcije i graf. Prilog br. 2.- Razmjestaj, spratnost i namjena objekta, te grafički prilozi Idejnog rješenja podzemne parking garaže, izrađen od strane "M-Design" d.o.o. Sarajevo, koji čine sastavni dio ove korekcije.

Tekstualni dio i grafički prilozi korekcije Projekta su sastavni dio Urbanističkog projekta "Bjelašnica - I faza" ("Službene novine Kantona Sarajevo", broj 2/01).

**Član 4.**

Korekcija Projekta je radena za fazu urbanizma, a obaveza investitora je da za faze komunalne infrastrukture i saobraćaja izvrši usaglašavanje Korekcije Projekta sa Idejnim rješenjima, koja su sastavni dio Urbanističkog projekta "Bjelašnica - I faza", te da pribavi suglasnost nadležnih javnih komunalnih preduzeća.

**Član 5.**

Po jedan primjerak ovjerene korekcije Projekta (tekstualni dio i grafički prilog) nalazi se na stalnom javnom uvidu i čuva se u Službi dokumentacije Općine Trnovo, Zavodu za planiranje razvoja Kantona Sarajevo i Ministarstvu prostornog uređenja i zaštite okoliša Kantona Sarajevo.

**Član 6.**

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 02-05-2792/13  
26. februara 2014. godine  
Trnovo

Općinski načelnik  
**Ibro Berilo, s. r.**

**ZAVOD ZA PLANIRANJE RAZVOJA KANTONA  
SARAJEVO****KOREKCIJA  
URBANISTIČKOG PROJEKTA "BJELAŠNICA" - I FAZA"**

Direktor  
**Hamdija Efendić, dipl. ing. grad.**

Sarajevo, januar 2014. godine

NOSILAC PRIPREME  
PLANA:

NAČELNIK OPĆINE  
TRNOVO

NOSILAC IZRADE  
PLANA:

ZAVOD ZA PLANIRANJE  
RAZVOJA KANTONA  
SARAJEVO

KOORDINATOR SEKTORA ZA PROVEDBENU  
PLANSKU

STANISLAVA MARINOVIĆ,  
dipl. ing. arh.

DOKUMENTACIJU I  
STRUČNA MIŠLJENJA:

ODGOVORNI PLANER: ZINAIDA KADRIBEGOVIĆ,  
dipl. ing. arh.

SADRŽAJ  
TEKSTUALNI DIO

1. UVOD
2. IZVOD IZ URBANISTIČKOG PROJEKTA  
"BJELAŠNICA - I FAZA"
3. KOREKCIJA URBANISTIČKOG PROJEKTA  
"BJELAŠNICA - I FAZA"

**GRAFIČKI DIO  
IZVODI IZ GRAFIČKIH PRILOGA URBANISTIČKOG  
PROJEKTA SA UGRAĐENOM KOREKCIJOM PLANA:****FAZA URBANIZAM:**

Graf. prilog br. 1 PREDMET KOREKCIJE M 1:2000

Graf. prilog br. 2 RAZMJESTAJ,  
NAMJENA I SPRATNOST OBJEKATA M 1:1000**IDEJNO RJEŠENJE PODZEMNE PARKING GARAŽE**

("M-Design" d.o.o. Sarajevo)

List br. 2 - Osnova i presjek M 1:200

**1. UVOD**

Za predmetnu prostornu cjelinu urađena je i usvojena provedbena dokumentacija - Urbanistički projekat "Bjelašnica - I faza" ("Službene novine Kantona Sarajevo", broj 02/01).

U skladu sa odredbama člana 46. Zakona o prostornom uređenju ("Službene novine Kantona Sarajevo", broj 7/05) Načelnik Općine Trnovo pokrenuo je inicijativu za korekciju Urbanističkog projekta "Bjelašnica - I faza", aktom broj 02-05-2792/13 od 21.11.2013. godine, a u cilju stvaranja planskog preduvjeta za planiranje podzemne parking garaže, na zemljištu označenom kao k.č. 3008/3, K.O. Presjenica, u svrhu obezbjeđivanja parking prostora za korisnike objekta Bajsik, a od strane investitora.

**2. IZVOD IZ URBANISTIČKOG PROJEKTA  
"BJELAŠNICA - I FAZA"**

Pravni osnov za izradu ovog dokumenta predstavlja regulacioni plan "Sportsko-rekreativnog područja Bjelašnica",

usvojen u februaru 1982. g. kojim je definisana i zona građenja podjeljena u tri etape, a čija je prva faza predmetom izrade ovog Urbanističkog projekta.

Nalazi se na istoku Zone za građenje na pristupnoj cesti Hadžići-Trnovo. Na sjevero-zapadnoj strani lokaliteta, nalaze se sportski tereni Babinog dola.

Veličina prostornog obuhvata je 13,7 ha.

**3. KOREKCIJA URBANISTIČKOG PROJEKTA  
"BJELAŠNICA - I FAZA"**

Cilj korekcije Urbanističkog projekta je da se stvore planski preduvjeti za planiranje podzemne parking garaže, na parceli označenoj kao k.č. 3008/3, K.O. Presjenica, Općina Trnovo, prema sljedećim urbanističko-tehničkim uslovima, odnosno na način:

- Namjena planiranog objekta je podzemna garaža, za vlasnike i korisnike objekta Bajsik, koji se nalazi zapadno od planirane garaže. Spratnost objekta je suteran (S). Regulaciona linija kompleksa obuhvata dio parcele k.č. 3008/3, K.O. Presjenica, Općina Trnovo, a sve na način kako je prikazano u grafičkom prilogu br. 2.
- Maksimalna BGP ovog objekta iznosi 282 m<sup>2</sup>.
- Svi ostali urbanističko-tehnički uslovi moraju biti u skladu sa Idejnim rješenjem izrađenim od strane "M-Design" d.o.o. Sarajevo, u ime investitora, a čiji grafički prilozi čine sastavni dio ove Korekcije.



